



Broj: 07-04-04-896/24
Sarajevo, 11.01.2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 29. stav (1) Zakona o ustanovama ("Službeni list RBiH", br. 6/92, 8/93 i 13/94), člana 15. stav (2) Odluke o osnivanju Javne ustanove "Centar za napredne tehnologije u Sarajevu" ("Službene novine Kantona Sarajevo", br. 28/18, 6/19 i 19/23) i člana 15. stav (1) Odluke o kriterijima za izbor i imenovanje predsjednika i članova upravnog i nadzornog odbora i direktora Javne ustanove "Centar za napredne tehnologije u Sarajevu" ("Službene novine Kantona Sarajevo", br. 45/18, 49/18 i 12/19), ministar Ministarstva privrede Kantona Sarajevo objavljuje

JAVNI OGLAS ZA IZBOR I IMENOVANJE DIREKTORA JAVNE USTANOVE "CENTAR ZA NAPREDNE TEHNOLOGIJE U SARAJEVU"

1. Predmet javnog oglasa

Raspisuje se Javni oglas za izbor i imenovanje direktora Javne ustanove "Centar za napredne tehnologije u Sarajevu" (u daljnjem tekstu: Javna ustanova).

2. Opis pozicije direktora Javne ustanove "Centar za napredne tehnologije u Sarajevu":

Organizuje i rukovodi procesom rada Javne ustanove u okviru svojih nadležnosti, u skladu sa zakonskim i drugim propisima, opštim i drugim aktima Javne ustanove, zastupa i predstavlja Javnu ustanovu prema trećim licima, zastupa i predstavlja Javnu ustanovu prema trećim licima, zaključuje ugovore i vrši druge pravne radnje i zastupa Javnu ustanovu pred sudovima i drugim organima u skladu sa zakonskim i drugim propisima, opštim i drugim aktima Javne ustanove, kao i odlukama i zaključcima Upravnog odbora i Nadzornog odbora Javne ustanove, organizuje i uskladuje proces rada, predlaže Upravnom odboru Javne ustanove poslovnu politiku Javne ustanove i rukovodi ovom ustanovom, priprema i predlaže Upravnom odboru Javne ustanove planove i program rada Javne ustanove, saraduje sa Ministarstvom i drugim nadležnim ministarstvima, industrijskim preduzećima, fakultetima, institutima i laboratorijama, te drugim pravnim i fizičkim licima, brine o finansijskom poslovanju Javne ustanove, podnosi Upravnom odboru Javne ustanove izvještaj o radu sa finansijskim poslovanjem, izvršava odluke i zaključke Upravnog odbora i Nadzornog odbora Javne ustanove, priprema potrebne informacije i druge izvještaje i iste podnosi na razmatranje i usvajanje Upravnom odboru Javne ustanove, odgovoran je za zakonit rad Javne ustanove, organizuje i priprema materijale za sastanke Upravnog odbora i Nadzornog odbora Javne ustanove, organizuje i provodi zaštitu na radu i zaštitu od požara, odlučuje o pravima i obavezama radnika koja proizilaze iz radno-pravnog statusa i izvršava i druge zadatke i poslove na osnovu zakonskih i drugih propisa, opštih i drugih akata Javne ustanove, odluka i zaključaka Upravnog odbora i Nadzornog odbora Javne ustanove.



3. Način imenovanja i mandat direktora

Direktora Javne ustanove imenuje Upravni odbor uz prethodnu saglasnost Vlade Kantona Sarajevo. Mandat direktora Javne ustanove traje četiri godine uz mogućnost još jednog uzastopnog izbora. Mandat počinje teći od dana stupanja na snagu rješenja o imenovanju. Mandat direktora prestaje istekom vremenskog perioda na koje je izvršeno imenovanje.

Uslovi za izbor i imenovanje direktora

Kandidat koji se prijavljuje na Javni oglas za izbor i imenovanje direktora Javne ustanove treba da ispunjava opće i posebne uslove.

Opći uslovi:

- a) da je kandidat državljanin Bosne i Hercegovine (dokaz: uvjerenje o državljanstvu),
- b) da je kandidat stariji od 18 godina (dokaz: izvod iz matične knjige rođenih),
- c) da kandidat nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije (dokaz: izjava potpisana od strane kandidata i ovjerena od strane nadležnog općinskog organa),
- d) da kandidat niti njegov bliski srodnik nemaju poslovnu saradnju sa Javnom ustanovom, a koja podrazumjeva novčanu naknadu, osim primanja po osnovu radnog odnosa kandidata (dokaz: izjava potpisana od strane kandidata i ovjerena od strane nadležnog općinskog organa),
- e) da se na tog kandidata ne odnosi član IX.1. Ustava Bosne i Hercegovine (dokaz: izjava potpisana od strane kandidata i ovjerena od strane nadležnog općinskog organa),
- f) da kandidat nije osuđivan za krivično djelo ili za privredni prestup (dokazi: uvjerenje nadležnog MUP-a i uvjerenje nadležnog suda) i
- g) da kandidat nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana od strane kandidata i ovjerena od strane nadležnog općinskog organa).

Posebni uslovi:

- a) da kandidat posjeduje najmanje univerzitetsku diplomu VII stepen stručne spreme fakulteta iz oblasti tehničkih nauka za kandidate koji su visoku stručnu spremu stekli po predbolonjskom sistemu studija odnosno najmanje univerzitetsku diplomu prvog ciklusa studija fakulteta iz oblasti tehničkih nauka za kandidate koji su studij okončali po bolonjskom sistemu studija,
- b) najmanje pet godina radnog staža u struci nakon sticanja diplome visokog obrazovanja (dokaz: potvrda ili uvjerenje),
- c) najmanje pet godina radnog staža na rukovodećim poslovima (dokaz: potvrda ili uvjerenje),
- d) da kandidat nema privatni finansijski interes u Javnoj ustanovi u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) (dokaz: izjava potpisana od strane kandidata i ovjerena od strane nadležnog općinskog organa) i
- e) da kandidat u trenutku podnošenja prijave na upražnjenu poziciju direktora, nije član Upravnog ili Nadzornog odbora Javne ustanove (dokaz: izjava potpisana od strane kandidata i ovjerena od strane nadležnog općinskog organa).

4. Sadržaj prijave kandidata i spisak potrebnih dokumenata

Kandidati su dužni dostaviti sljedeću dokumentaciju (original ili ovjerenu kopiju):

1. Svojeručnu potpisanu prijavu na Javni oglas sa kontakt podacima (ime i prezime kandidata, adresa stanovanja, broj telefona i e-mail adresa) i tačno navedenom dokumentacijom koja se prilaže na Javni oglas. Obrazac prijave kandidati mogu preuzeti na zvaničnoj web stranici Ministarstva privrede Kantona Sarajevo <http://www.mp.ks.gov.ba>;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/4

2. Biografiju;
3. Uvjerenje o državljanstvu (ne starije od 6 mjeseci);
4. Izvod iz matične knjige rođenih;
5. Univerzitetsku diplomu;
6. Uvjerenje nadležnog MUP-a da kandidat nije osuđivan za krivično djelo;
7. Uvjerenje nadležnog suda da kandidat nije osuđivan za privredni prestup;
8. Potvrdu ili uvjerenje o radnom stažu u struci nakon sticanja VSS;
9. Potvrdu ili uvjerenje o najmanje pet godina radnog staža na rukovodećim poslovima
10. Izjave ovjerene od strane nadležnog općinskog organa, kojom kandidat potvrđuje sljedeće:
 - a) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od prethodne tri godine od dana objavljivanja upražnjene pozicije;
 - b) da kandidat niti njegov bliski srodnik nemaju poslovnu saradnju sa Javnom ustanovom, a koja podrazumjeva novčanu naknadu, osim primanja po osnovu radnog odnosa kandidata;
 - c) da se na njega ne odnosi član IX.1. Ustava Bosne i Hercegovine;
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08);
 - e) da kandidat nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13);
 - f) da nema privatni finansijski interes u Javnoj ustanovi u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i
 - g) da u trenutku podnošenja aplikacije na upražnjenu poziciju direktora, nije član Upravnog ili Nadzornog odbora Javne ustanove.

Dostavljena dokumentacija nakon provedene konkursne procedure se ne vraća kandidatima.

Napomena: Kandidat koji bude predložen za imenovanje sa rang-liste sa najboljim kandidatima i koji ispunjava kriterije za imenovanje iz javnog oglasa, dužan je dostaviti ljekarsko uvjerenje. Navedeno uvjerenje kandidat je dužan dostaviti u roku od 10 (deset) dana od dana utvrđenog prijedloga. Ukoliko predloženi kandidat ne dostavi traženo uvjerenje ili se utvrdi da ne ispunjava uslov po ovom osnovu, predložit će se sljedeći najuspješniji kandidat sa rang-liste sa najboljim kandidatima, koji je takođe dužan dostaviti traženo uvjerenje u roku od 10 (deset) dana od dana kada je predložen.

Javni oglas će biti objavljen u "Službenim novinama Federacije BiH", dnevnom listu "Dnevni avaz" i na web stranici Ministarstva privrede Kantona Sarajevo <http://www.mp.ks.gov.ba>.

Javni oglas će biti otvoren 15 (petnaest) dana od dana zadnjeg objavljivanja.

5. Dostavljanje prijava i tražene dokumentacije

Prijave sa traženom dokumentacijom se dostavljaju u roku od 15 (petnaest) dana od dana zadnjeg objavljivanja lično ili poštom preporučeno u zatvorenoj koverti na adresu: Ministarstvo privrede Kantona Sarajevo - Komisija za izbor, Sarajevo, ul. Reisa Džemaludina Čauševića broj 1, prizemlje, uz naznaku na koverti: "Prijava na javni oglas za izbor i imenovanje direktora Javne ustanove "Centar za napredne tehnologije u Sarajevu" - Ne otvaraj". Na poleđini koverta navesti ime i prezime podnosioca prijave, adresu i kontakt telefon.

Nepotpune i neblagovremene prijave neće se uzeti u razmatranje.

6. Napomena:

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo. Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i ispuniti obrazac u kojem će iznijeti bilo koje pitanje ili mogućnost koja bi mogla



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

3/4

dovesti do sukoba interesa u slučaju da dođe do njegovog imenovanja. Obrasci će se ispuniti neposredno prilikom intervjua. Ukoliko se kandidat ne pojavi na intervjuu smatra se da je odustao od konkursne procedure.

Ni jedan kandidat neće biti stavljen na listu sa užim izborom ukoliko nije povoljno ocijenjen prema kriterijima za imenovanje.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", br. 49/06, 76/11 i 89/11).

Nakon intervjua, Komisija za izbor će predložiti rang-listu sa najboljim kandidatima odgovornom javnom službeniku na daljnje razmatranje. Kandidat koji je prvi na rang listi i kojeg je preporučila većina članova Komisije za izbor smatra se da je najuspješnije prošao otvorenu konkurenciju.

U slučaju kada postoje dokazi da principi utvrđeni u članu 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi ministru Ministarstva privrede Kantona Sarajevo, a kopija se dostavlja Ombudsmenu za ljudska prava Bosne i Hercegovine.

MINISTAR

Zlatko Mijatović

